



XALQ DEPUTATLARI FARG‘ONA TUMANI KENGASHINING Q A R O R I

2025-yil 16-sentabr

VII-12-96-11-163-K/25

Farg‘ona tumani

O‘zbekiston Respublikasi Prezidentining 2024-yil 16-dekabrdagi “Farg‘ona viloyatini ijtimoiy-iqtisodiy rivojlantirish hamda investitsiya va tadbirkorlik muhitini yanada yaxshilash chora-tadbirlari to‘g‘risida”gi PQ-440-sonli qarori ijrosi bo‘yicha tumanda 2025-yilning yanvar-iyul oylari davomida amalga oshirilgan ishlar yuzasidan tuman hokimi X.Inomovning hisoboti to‘g‘risida

Davlatimiz rahbarining 2024-yil 16-dekabrdagi “Farg‘ona viloyatini ijtimoiy-iqtisodiy rivojlantirish hamda investitsiya va tadbirkorlik muhitini yanada yaxshilash chora-tadbirlari to‘g‘risida”gi **PQ-440-sonli** qaroriga Farg‘ona viloyatini ijtimoiy-iqtisodiy rivojlantirish hamda investitsiya va tadbirkorlik muhitini yanada yaxshilash, ishga solinmagan imkoniyatlardan tuliq va samarali foydalanish, ijtimoiy va ishlab chiqarish infratuzilmasini yaxshilash, aholining munosib turmush darajasi va bandligini ta’minlash bo‘yicha yangi imkoniyatlar eshigini ochib berdi.

I. Iqtisodiy ko‘rsatkichlar bo‘yicha:

I.1. Farg‘ona tumanida ham joriy yilda bir qator chora-tadbirlar belgilanib olindi. Jumladan, 2025-yil **yanvar-iyul** oylarida **makroiqtisodiy** ko‘rsatkichlar, xususan **sanoat** mahsulotlarini ishlab chiqarish hajmi **964,9 mlrd.so‘mga** yoki **108,4 foizga**, **xizmatlar** hajmi **815,0 mlrd.so‘mga** yoki **112,2 foizga**, **kapital qo‘yilmalar** hajmi **946,8 mlrd.so‘mga** yoki **108,6 foizga**, **qurilish** ishlari hajmi **264,5 mlrd.so‘mga** yoki **103,0 foizga** bajarishga erishildi.

I.2. Davlatimiz rahbarining 2024-yil 23-sentyabrdagi PF-143-sonli Farmoni hamda va shu kundagi PQ-330-sonli qarorlari asosida “Kambag‘allikdan farovonlik sari” dasturiga asosan **joriy yil 8-oyida 1 263 ta** oilani (**5 789 nafar aholi**) kambag‘allikdan chiqarish belgilangan bo‘lib, amalda **611 ta (yanvar-iyul oylarida)** kambag‘allikdan (**48,4 foiz**) chiqarishga erishilmoqda. Shu bilan birga **“Individual rejalar”** asosida aholiga

kambag'allikdan chiqarishga qaratilgan **4 479 ta xizmatlar** ko'rsatildi (**240,0 foiz**). Bunda, **2 434 nafari** doimiy ishga joylashtirildi, **246 nafariga** imtiyozli kredit ajratilgan, **108 nafariga** subsidiya ajratildi, **1 429 nafari** tadbirkorlikka jalb qilingan va **262 nafari** kasb-hunarga o'qitilgan.

I.3. Aholi bandligini ta'minlash va ishsizlik darajasini kamaytirish bo'yicha **yanvar-iyul oylarida 17 342 nafar** aholini daromadli mehnat bilan band qilish belgilangan bo'lib, amalda bu ko'rsatkich **19 369 nafarni** tashkil etdi va **reja ijrosi 112,0 foizga** bajarildi. Xususan, *investitsiya loyihalari hisobiga 3244 nafar (105,0 foiz)*, aholini *doimiy ishga joylashtirish va tadbirkorlikka jalb etish hisobiga 9497 nafar (124,0 foiz)*, *qishloq xo'jaligida 7005 nafar (100,1 foiz)*, *qurilish yo'nalishida 1061 nafar (104 foiz)* aholi doimiy va mavsumiy ishlarda band qilindi.

I.4. Tumanda 4 ta tajribalar doirasida, **xususan:**

"Sayxunobod" tajribasi bo'yicha **71 ta** mahallada **yanvar-iyul oylarida jami 1679 ta** mikroloyihani amalga oshirish belgilangan bo'lib, **amalda joriy yilning 7 oyi** davomida **1806 ta** mikroloyiha ishga tushirilib, **3680 ta** yangi ish o'rinlari yaratildi.

Uychi tajribasi asosida joriy yilning **7 oyi** davomida **39 ta** uchrashuvlar o'tkazilishi natijasida **185 nafar** aholi bandligi ta'minlandi.

-“Zarbdor” tajribasi bo'yicha - qiymati **112,0 mlrd. so'mlik (tashabbuskor mablag'lari 96,0 mlrd.so'm, bank krediti 3,0 mlrd.so'm, horijiy investitsiya 1,0 mln. dollar) 5 ta (sanoat-1ta, xizmat ko'r.-3 ta, qishloq xo'j.-1 ta)** loyihalarni amalga oshirish va **465 ta** ish o'rni yaratish bo'yicha dastur ishlab chiqilgan. Joriy yilning **yanvar-iyul oylari** davomida ushbu loyihalarning **2 tasida (Do'stlik MFY da tashabbuskorlar tomonidan 200 gektar yer maydonida “Bog'dorchilik kompleksi” tashkil etish loyihasi xamda Chimyon MFY da “Valley AgroTechnics” MChJ tomonidan oziq-ovqat sotishga iqtisoslashgan bozor va 1000 tonna sig'imga ega muzlatgichli omborxona tashkil etish va ushbu loyihalar hisobiga 320 ta yangi ish o'rni yaratish)** qurilish ishlari olib borilmoqda.

G'ijduvon tajribasi asosida tumanda joriy yilda **9 ta** mahallada loyihalar amalga oshirilishi belgilangan. Mazkur mahallalarda **205 ta** ish o'rinlar yaratuvchi **9 ta** loyiha shakllantirilgan. Hozirda ushbu shakllantirilgan loyihalardan **5 tasi (Avto Car chevrolet MChJ, "Log'on nur Saxovat" MChJ, YaTT Sotvoldieva Dilafo'za, YaTT Abdullaeva Shaxlo, "Zaynur Diyor Fayz" ishlab chiqarish kooperativ)** ishga tushirilib, **140 ta yangi** ish o'rni yaratildi. Qolgan loyihalarni ishga tushirish bo'yicha loyiha tashabbuskorlari bilan birma-bir joyiga chiqqan holda uchrashib, tegishli ko'rsatmalar berib borilmoqda.

I.5. Bundan tashqari **Tadbirkorlik dasturlari** doirasida joriy yilning **yanvar-avgust oylarida jami 2 559 ta** talabgorlarga **91,206 mlrd. so'm** kredit mablag'lari ajratildi. **Jumladan:**

-**“Kichik biznesni uzluksiz qo‘llab-quvvatlash” dasturi** bo‘yicha **183 ta** talabgorlarga **19,783 mlrd. so‘m;**

-**“Oilaviy tadbirkorlikni rivojlantirish dasturi”** doirasida **598 ta** talabgorlarga **8,598 mlrd.so‘m;**

-**“Biznesga birinchi qadam”** kredit doirasida **711 ta** talabgorlarga **16,085 mlrd.so‘m;**

-**“Mahalla loyiha”** dasturi doirasida **1067 ta** talabgorlarga **46,740 mlrd.** kredit mablag‘lari ajratildi.

I.6. Shuningdek **1420 nafar** fuqarolar (*shundan 905 nafari ayollar, 2374 nafari yoshlar*) mehnat bozorida talab yuqori bo‘lgan zamonaviy kasb xunarga o‘qitish **ishlari amalga oshirilmoqda**, shundan **512 nafar** fuqarolar kasb-hunarga o‘qitish **jarayonlari yakunlandi** hamda **445 nafar** fuqarolarning **bandligini ta‘minlashga** erishildi.

II. Investitsiya va eksport bo‘yicha:

2025-yilda umumiy qiymati **207,3 mln.dollar** bo‘lgan **8 taloyihalar** doirasida **127,0 mln.dollar** to‘g‘ridan-to‘g‘ri xorijiy investitsiyalar va xorijiy kreditlar o‘zlashtirilishi belgilangan. Shundan, **1-yarim** yillikda **57.3 mln.dollar xorijiy investitsiyalar** o‘zlashtirishi belgilangan bo‘lib, amalda **60.9 mln. dollar** investitsiyalar o‘zlashtirilib reja ko‘rsatkichi **106.2 foizga** bajarildi.

Shuningdek, joriy yilda hududiy investitsiya dasturlari doirasida qiymati **61,5 mln. dollar** bo‘lgan **32 ta** loyihalarni amalga oshirish hisobiga **4 536 ta** ish o‘rinlarini yaratish belgilangan bo‘lib, **avgust oyi yakini** bilan qiymati **8,4 mln. dollar** bo‘lgan **28 taloyihalarni** ishga tushirildi va **4782 ta** yangi ish o‘rinlarini yaratildi.

Misol uchun: *Farg‘ona tumanida Tailand bilan “Bahodir log‘on teksil” MChJ QK tomonidan qiymati 20,0 mln. doll. bo‘lgan turizm kompleksini tashkil etish loyihasi doirasida 5,0 mln. dollar, Eron bilan "Chekshura tarovati invest" MChJ tomonidan qiymati 5,0 mln doll. bo‘lgan temir beton va asfalt ishlab chiqarishni tashkil etish loyihasi doirasida 3,4 mln. dollar, “Bahodir log‘on tekstil” MChJ QK tomonidan Un ishlab chiqarishni tashkil etish loyihasi doirasida 10,0 mln dollar o‘zlashtirildi.*

Joriy yilning **yanvar-iyun** oylari uchun **12,1 mln. dollar** **prognoz** ko‘rsatkichlari belgilanib, o‘tgan **8 oyda** amalda jami **10,7 mln. dollar** **eksport amalga** oshirildi. Shundan, **qishloq xo‘jaligi** mahsuloti **6,3 mln.dollar**, **sanoat** mahsuloti **4,4 mln. dollarni** tashkil etdi.

Misol uchun: **“Royal thay Branch” MChJ** tomonidan **1,3 mln. dollarlik** ip kalava mahsulotlari, **“Baht Textile Andijon” MChJ** tomonidan **2, mln.dollarlik** to‘qimachilik

mahsulotlari hamda “Yusufbek Building” MChJ tomonidan **1,2 mln. dollarlik** qishloq xo‘jaligi mahsulotlari eksporti amalga oshirildi.

III. Qurilish yo‘nalishi bo‘yicha:

III.1. Tumandagi 7 ta og‘ir MFYlarda kommunikatsiya tizimini yaxshilash bo‘yicha:

Davlatimiz Rahbarining **PQ-330-sonli** qarori bilan **7 ta** og‘ir mahallalarda tomorqa yerlarini sug‘orishni yaxshilash, elektr energiyasi barqaror yetkazib berilishini ta‘minlash, internet sifatini oshirish, ichki yo‘llarni ta‘mirlash maqsadlari uchun jami **21,0 mlrd.so‘m** mablag‘ ajratilmoqda. Jumladan,

- Tomorqa yerlarini sug‘orish tizimi yaxshilash buyicha **7 ta** mahallalarda– **10 ta** quduq qazish uchun **4.850 mlrd.so‘m** mablag‘lar ajratildi.

Hozirda ushbu og‘ir toifadagi mahallalarda tomorqa yerlarini sug‘orishni yaxshilash bo‘yicha **4.078 mlrd.so‘m** mablag‘ hisobiga **7 ta** mahallaga **10 ta** sug‘orish qudug‘i qurilib, qurilish montaj ishlari yakuniga yetkazildi.

- Elektr ta‘minoti bo‘yicha - **7 ta** ob‘yektda **5,233 mlrd.so‘m** mablag‘ sarflanishi hisob-kitob qilingan. Jumladan, **11 ta** transformator o‘rnatish (**1,320 mlrd.so‘m**), **18,5 km** elektr tarmog‘i tortish (**2,960 mlrd.so‘m**) hamda **686 ta** tayanchlarni almashtirish (**953 mln.so‘m**) orqali **7170 ta** xonadonni elektr ta‘minoti yaxshilanmoqda.

Hozirda ushbu dasturga asosan **19,1 km** masofada elektr uzatish tarmog‘i, **11 dona** transformator punkti va **686 dona** temir-beton tayanchlar o‘rnatilib qurilish montaj ishlari 100% ga bajarilib yakuniga yetkazildi.

- Ichki yo‘llar bo‘yicha - **7 ta** MFYda **23,0 km** yo‘llarni asfaltlashtirish (**10,917 mlrd.so‘m**) hisobiga **819 ta** xonadonni yo‘llardan foydalanish sharoiti yaxshilanadi.

Birdamlik MFY hududidagi ichki ko‘chalarini **500 metr** qismida shag‘allashtirish ishlari olib borilib qolgan ishlar davom etmoqda.

- Internet bo‘yicha - **7170 ta** xonadonni optik tolali internet tarmog‘i tortish bo‘yicha tegishli choralar olib borilmoqda.
- Ushbu 7 ta og‘ir toifadagi mahallalarga optik tolali internet tarmog‘i tortish bo‘yicha **30 ta 1/4** , **95 ta 1/8** splitter qurilmasi o‘rnatildi, **32 km 8** tolali, **10,7 km 12** tolali, **0,7 km 16** tolali, **7,9 km 24** tolali hamda **3,5 km 48** tolali magistral kabellar tortildi.

III.2. Aholi punktlari ko‘chalari holatini yaxshilash bo‘yicha:

2025-yilning **8-oyi** davomida **9,5 km** da ichki yo‘llarda qurilish ta‘mirlash ishlari amalga oshirildi, hususan hududlarga **10,3 km** da shag‘allashtirishdi, **9,1 km** byudjet mablag‘lari hisobidan hamda **0,9 km** homiy mablag‘lari hisobidan asfaltlashtirildi.

III.3. Ichimlik suvi bo‘yicha

Joriy yilning yanvar-avgust oylarida **525 ta** aholi xonadonlari ichimlik suvi tarmog'iga (**98%**) ulandi, **6,2 km** ichimlik suvi tarmog'ini ta'mirlandi, **5 ta** suv minoralari ta'mirlanib, aholi xonadonlari iste'molchilar soni **28 500 tani (82,3%)** tashkil etmoqda.

III.4. Elektr tarmoqlari bo'yicha

Joriy yilning yanvar-avgust oylaridavomida **70 dona** transformator punkti, **127,0 km** elektr uzatish tarmoqlari mukammal va **207 dona** transformator punkti hamda **382,0 km** elektr uzatish tarmoqlari joriy tamirlandi.

III.5. Gazlashtirish bo'yicha:

Joriy yilning **yanvar-avgust** oylari davomida **6,5 km** gaz quvirlari ta'mirlandi **8 dona GRP** lar yangidan qurildi va **6 dona GRP lar** ta'mirlandi hamda **1,2 km** yangi tarmoqlar tortildi, shu bilan birga **114 122 ta** xonadonlarga **2 282,44 tonna** suyultirilgan gaz yetkazib berildi.

III.6. Ko'p kvartirali uy-joylar qurilishi bo'yicha :

Joriy yilning **8 oyi** davomida **2 ta 5 qavatli 50** xonadonli, **1 ta 7 qavatli 56 xonadonli** uy-joylar hozirgi kunda ichki pardoqlash ishlari olib borilmoqda va **17 ta 7 qavatli 952 xonadonli** ko'p qavatli uy-joylarning qurilish ishlari yakunlanib foydalanishga qabul qilindi.

Farg'ona tumanida O'zbekiston Respublikasi Prezidentining 2024-yil 25-iyundagi "Mahallalarni obodonlashtirish, ko'kalamzorlashtirish va qiyofasini tubdan yaxshilashga doir qo'shimcha chora-tadbirlar to'g'risida"gi PQ-234-son qarori hamda Farg'ona viloyat hokimining 2024-yil 2-avgust kungi 412-11-0-Q/24-sonli qarorlari ijrosini ta'minlash maqsadida, tumanning Yangi asr mahalla fuqarolar yig'ini hududida mahalla obodligi bilan shug'ullanuvchi "Mahalla servis kompaniyalari"ga yer maydoni ajratib berilgan bo'lib, xozirgi kunda qurilish ishlari amalga oshirilmoqda.

IV. Ijtimoiy soha va xotin-qizlar yo'nalishi bo'yicha:

IV.1. Nogironligi bo'lgan shaxslarni bandligini ta'minlash orqali ularni ijtimoiylashtirish bo'yicha yanvar-avgust oylarida 382 nafar nogiron shaxslarni bandligini ta'minlash orqali ijtimoiylashtirishga erishildi.

IV.2. Tibbiyot muassasalarini zarur asbob-uskunalar bilan jihozlash bo'yicha joriy yilning 8 oyi davomida 2,4 mlrd. so'mlik tibbiy asbob-anjomlar (Raqamli rengen apparat, fizioterapiya apparatlari) bilan ta'minlandi.

IV.3. 2025-yilning yanvar-avgust oylarida tumanda maktabgacha ta'lim yoshidagi tarbiyalanuvchilar qamrovini 86,0 foizga bajarilib, 196 nafar 3-7 yoshli bolalar qamrab olindi.

IV.4. “Sayxunobod tajribasi” asosida joriy yilning 8-oy davomida **“Ayollar daftari”**dagi kasb-hunarga o‘qish istagini bildirgan **9 281 nafar** xotin-qizlarni bandligini ta’minlandi, jumladan:

-560 nafarini xotin-qizlar tadbirkorlik markazlarida;

-628 nafarini kasb-hunarga o‘qitish markazlarida;

-55 nafarini “Hunarmand uyushmasi” tomonidan kasb-hunarga o‘qitish;

-198 nafarini Lider tadbirkorlar tomonidan o‘qitiladigan qisqa o‘quv kurslarida o‘qitilinishi ta’minlanib, o‘z yo‘nalishi bo‘yicha bandligi ta’minlanib daromad topishga ko‘maklashildi.

Shu bilan birga ijtimoiy yordamga muxtoj I-II guruh nogironi bo‘lgan xotin-qizlar **146 nafariga** bir martalik **moddiy yordam** ko‘rsatildi.

Yuqoridagilarni inobatga olib, O‘zbekiston Respublikasi “Mahalliy davlat hokimiyati to‘g‘risida”gi Qonunning 6, 25-moddalariga muvofiq Xalq deputatlari Farg‘ona tumani Kengashi

QAROR QILADI:

1. O‘zbekiston Respublikasi Prezidentining 2024-yil 16-dekabrdagi “Farg‘ona viloyatini ijtimoiy-iqtisodiy rivojlantirish hamda investitsiya va tadbirkorlik muhitini yanada yaxshilash chora-tadbirlari to‘g‘risida”gi PQ-440-sonli qarori ijrosi yuzasidan tumanda 2025-yilning yanvar-iyul oylarida amalga oshirilgan ishlar to‘g‘risida tuman hokimi X.Inomovning hisoboti ma’lumot uchun qabul qilinsin.

2. Farg‘ona tuman hokimining o‘rinbosarlari (O.Abduraximov, I.Toshpo‘latov, M.Qodirxonov, *lavozimi bo‘yicha*, A.Axrоров)lar, bo‘lim, tashkilot va muassasalar rahbarlariga:

tumanni ijtimoiy-iqtisodiy rivojlanishida “mahallalar yettiligi” faoliyatini samarali yo‘lga qo‘yilishini ta’minlash va nazoratni kuchaytirish;

“mahalla yettiligi” vakillari ishtirokida aholi bilan doimiy muloqotlarni tashkil etib borish;

tuman hududida “Sayxunobod”, “Uychi”, “G‘ijduvon”, “Zarbdor” tajribalari doirasida tegishli ishlarni amalga oshirilishini jadallashtirish va samaradorligini oshirish, aholi tomonidan tomorqa va uy xo‘jaliklardagi imkoniyatlarni to‘liq ishga solish orqali daromadlarini oshirish, aholi bandligini ta’minlash va kambag‘allikni qisqartirish bo‘yicha aniq chora-tadbirlarni o‘tkazilishini ta’minlash;

aholi muammolarini samarali hal etish, ma’naviy muhitni saqlash, ma’naviy- ma’rifiy chora-tadbirlarni amalga oshirish;

hokim yordamchisi, yoshlar yetakchisi, xotin-qizlar faoli, profilaktika inspektori, soliq inspektori va ijtimoiy xodimning o'z vazifalarini bajarishda hamkorligini ta'minlash;

aholini moddiy va ijtimoiy qo'llab-quvvatlash ishlarini tashkil etish, kambag'al oilalarga ajratilayotgan budget va boshqa mablag'larni maqsadli va manzilli yo'naltirish va bu borada nazoratni kuchaytirish;

ishsiz fuqarolarning bandligini ta'minlash, kredit ajratish masalalarida fuqarolarni har tomonlama qo'llab-quvvatlash, mahallalarda bandligi ta'minlanmagan yoshlar va xotin-qizlarni oilaviy va xususiy tadbirkorlikka, hunarmandchilikka jalb etish orqali bandligini ta'minlash choralarini ko'rish;

“mahalla yettiligi” bilan birgalikda “Temir daftar”, “Ayollar daftari” va “Yoshlar daftari” ro'yxatida turgan fuqarolarning muammolarini o'z vaqtida hal etish choralarini ko'rish;

qarovsiz, nazoratsiz qolgan voyaga yetmaganlarning ijtimoiy-huquqiy himoyasini ta'minlash;

sog'lom ijtimoiy-ma'naviy muhitni saqlash, milliy qadriyatlar, urf-odatlar va an'analarni targ'ib qilish, ma'naviy-ma'rifiy chora-tadbirlarni ishlab chiqish va amalga oshirish;

mahallalarda yoshlar bilan ishlash tizimini yanada mustahkamlash maqsadida mas'ullar bilan birgalikda ma'naviy-ma'rifiy tadbirlar va sport musobaqalarini o'tkazilishini ta'minlash;

aholini tomorqadan unumli foydalanish, oilaviy tadbirkorlik, kichik sanoat va xizmatlarni yo'lga qo'yish orqali, aholini daromadli qilish choralarini ko'rishga;

fuqarolardan kelib tushgan murojaatlarni o'z vaqtida o'rganib chiqish, aniqlangan muammolarni qonuniy hal etish choralarini ko'rish;

Bajarilgan ishlar bo'yicha har oyining 1 sanasiga qadar Xalq deputatlari tuman Kengashiga tegishli hisobotni kiritilishi ta'minlansin.

3. Mazkur qaror bajarilishini nazorat qilish Xalq deputatlari tuman Kengashining doimiy komissiyalari zimmasiga yuklatilsin.

Sessiya raisi



ABDURAXMONOV
ILXOMJON
AKBARALIYEVICH